

▼15/10/11-38MST

CNS7155

R GB 15-10 00152 BH370

bah

Mahathir - Agama

BELIA HARUS MEMAHAMI, AJARAN SEMUA AGAMA

I

MELAKA, 15 Okt (Bernama) -- Datuk Seri Dr Mahathir Mohamad berkata para belia sebagai pemimpin hari esok harus mempunyai pemahaman yang betul mengenai ajaran semua agama.

Perdana Menteri berkata ini penting supaya mereka lebih berpengetahuan untuk mengamalkan toleransi budaya dan menggalakkan perdamaian dunia.

Dalam mesej pada program buku cenderamata seminar Toleransi Agama dan Kebudayaan yang diadakan di sini hari ini, Perdana Menteri berkata para belia harus berusaha sendiri menjadi penyelamat kepada keharmonian dan toleransi agama.

"Seminar ini bukan sahaja tepat pada masanya tetapi wajar ketika berlakunya perbalahan kaum, kekejaman dan pertumpahan darah di dunia hari ini," katanya.

Beliau berkata seminar itu pastinya akan membantu menarik perhatian dunia kepada perlunya menggalak dan meningkatkan toleransi agama sambil mengukuhkan keazaman belia-belie untuk mengatasi masalah yang berterusan di seluruh dunia. -- Lagi

▼15/10/13-31MST

R GB 15-10 00118 BH371

bah

Mahathir - Agama 2 (Akhir) Melaka

Dr Mahathir berkata agak malang prinsip-prinsip yang baik tidak diamal seperti yang diajar walaupun semua agama mengajak kepada rasa kasih sayang, toleransi, saling memahami dan persaudaraan.

Disebabkan itu orang yang tidak bersalah, wanita dan kanak-kanak di banyak negara di dunia dibunuh beribu-ribu jumlahnya setiap hari.

"Perbalahan kaum hanya membawa kepada kesengsaraan menyebabkan ketidakstabilan politik dan kemerosotan ekonomi serta pembangunan sosial,"katanya.

Seminar dua hari itu bertujuan menyediakan tempat dan forum bagi menilai situasi semasa mengenai toleransi agama dan kebudayaan serta ancaman terhadap keamanan dunia, anjuran Perhimpunan Belia Sedunia (WAY), Majlis Belia Asia dan Majlis Belia Malaysia. -- Bernama.

BK RON

▼15/10/13-45MST